

卷之八

新鐫海內奇觀卷五

錢唐 臥遊道人 楊爾曾 輯



兩越名山圖說

東海之墟有二越焉於越當其北甌越當其南其始一越也皆禹之後王句踐之所治也漢無終始自別爲東甌天台以北則於越之故都雁宕以南則東甌之別壤故紀兩越名山自南朔始

東四明

西四明

阿育寺

芙蓉峰

禹穴

石匱穴

陽明洞天

華羅村

西施浣石

藤龕

雪竇

瀑布

夫人廟

東白堂





鹿田

橋山

望紫岩

知者寺

南明

赤松山

小桃源

寶相寺

池

子陵
釣臺

忘寺

玉甌山

石門樓

玄鶴洞天

瀑布

石門

鴈宕





南明山者新昌城西南二里五代錢氏所創寶相寺也路經盤谷而入峭岩逼漢刻其中爲彌勒十丈曲欄飛閣錦棚縹瓦咸自外附麗之久而化爲烏有今移其寺于右偏山巔有闕中秋月正墮影于中谷口有湖築長堤植榆柳焉風和日暖柳絲垂垂蔭人谷中石氣清無留雲障霧枕流漱石良不惡也

雪竇在奉化之西出縣城十里日嶺之坂有石焉亭亭然偃而頎銳而肖髻以類人也爲夫人廟祀之又二石高與夫人肩鐻夾長石如巨鰭齒齒足玩又四十里山靄明滅翠微有亭榜雪竇焉歷峻坂數十盤乃望官曲道樹宋應夢名山碑復數百武爲山門則平疇沃衍非復萬山之巔中起一石阜廣不盈畝枿

栢森蔚海鶴巢之名含珠林東西兩澗水合爲閣道覆之名觀
瀾閣南澗有沼石文如錦名錦鏡池又折而南兩澗合流之水
垂瀉千丈岩下懸爲瀑布虎豹吼而震雷轟也寒飈從水中
與飛沫俱起四顧戟戟不自持名龍隱潭又十里爲上雪竇舊
有藤龕僧和庵巢其中日令雙虎頸掛大竹筒來寺乞齋爲守
龕弟子今僧去而龕廢矣此山奇峭幽邃烟雲滿壑亦海上之
一奇也

四明者天台之委也高一萬八千丈周二百十里自鄞小溪入
曰東西明自餘姚白水入曰西四明自奉化雪竇入則直謂之
四明山山盤互竹樹葱蒨衆壑之水亂流爭趨入盆深猿鳥之

聲俱絕悄然嘻呬顙氣覺與世界殊絕道書稱第九洞天峰凡二百八十二中有芙蓉峰古隸四明山心字山四穴如天窓隔山通日月星辰之光故曰四明山北有潺湲洞洞下曰過雲岩雲縹緲不絕者二十里人經行雲中故云山南曰雲南山北曰雲北山無古刹人跡罕至大約東海之上惟天台四明群山罕儼焉

東湖者去鄞三十里受七十二溪之流灌鄞七鄉一名萬金湖湖口有堰堰前有喬木玉几山有阿育王寺昔劉薩訶得佛舍利于地中置塔以藏塔高不及尺四隅角起非木非石懸舍利于金鐘下大不踰棗敷色黃白焜耀動搖無定時蓋宇宙之

奇也

禹穴在稽山之麓山之東麓隱若劍脊西嚮而下皆石也石之中藏之石焉其形如椎高與首齊扶之或搖曳之不起蓋異物也俗稱禹葬衣冠于此或云禹陵在壠後屢三峰而帶湖有穹碑大禹陵者是此特以藏金簡玉字書也左二里爲稽山鎮西北五里則宛委山山有石匱穴其中爲陽明洞天名在道書第十一昔大禹發之得赤珪如日碧珪如月又得玉笥秘圖悟百川之理賀季真則謂黃帝藏書于宛委禹得之而復藏之名禹穴云會稽山群峰簇擁水遶鑑湖有賀季真舊宅自鑑湖至楓橋美竹嘉樹相望十里至蘭亭亭有曲水有鵞池墨池曲水非

其舊當是溪流失其處耳昔人謂行山陰道上如行鏡中秋冬之際殆難爲懷旨矣哉苧蘿村有西施浣紗石

釣臺者漢嚴光隱處也兩崖峭立夾黟婺之水而下桐廬宛曲如游龍者七里水漲則磯激如箭山腰二巨石對峙突兀欲傾名以釣臺天作之矣好事者亭其上左垂綸百尺右置鼎一絲登臺而俯深淵水靛如綠玉山麓萬木參天其翠欲流祠顏聖人之清然哉隔水爲白雲原唐方雄飛隱居其上塚則宋謝皋羽所慟哭而終焉者二子慕先生風如梁伯鸞覓葬于要離側之意過嚴陵瀨入蘭溪水行二百里有金華三洞之勝

金華山高千丈一名長山又名北山山巔雙巒曰金盆曰玉壺

壺水分兩派下下山之陽者由山橋以達于溪瀉山之陰者由
鹿田而入于洞盆水惟一派落而爲赤松澗山橋者兩崖峙而
仞上有石橫跨之溪流上注焉故于諸澗爲尤勝山之右爲赤
松山又右爲知者寺寺在芙蓉峰西畔出城二十里乃至西去
爲三洞東行乃望紫岩岩東三里則赤松宮長松茂竹澗水如
環流宮傍山爲皇初平叱石處石色蒼白臥立各異態宮東北
兩崖間則小桃源在焉水石相搏時引出桃花數片可觴也西
三里爲東西鹿田俗稱王女驅鹿而畊也五里爲三洞上朝真
中水壺下雙龍雙龍外洞堪百榻石壁上現仙桃霞衣龍首左
昂而尾右垂內一穴如壑蜚頤水淙淙從中出卽伏流洞外舊有

覆石可仰臥小舟以入入則見華蓋垂衣狻猊龜蛇町者爲田
方者爲床滴者爲硯擊有聲者爲鐘矯如玉者爲雙龍茲水捍
石塞未入也又一里爲中洞黑穴無底徒有水聲暴至久之乃
有簾泉飛下三十餘丈盛以巨石雙石筍嶄然壁立于前披莽
三里爲上洞大石如龜橫當其穴穴中數石如群仙儷立內垂
衣伸一足者爲觀音此朝真所由名也洞口天日之光斜射洞
中石涯上淡如月色內有石梁高掛白龍護其左蒼龍護其右
又有天池深廣四畔峻不可下池之裏有崖如兩扉而啓其一
極暗中遠望石扉啓處天光下燭蓋洞天漏明而人莫知其處
旣隔天池不得復深入也自洞下北一里爲紫微岩講堂洞

劉孝標所卜築者洞飛霞涌水廣而紺碧如厦屋然道書亦以此爲三十六洞天之一

仙都者鼎湖也世稱軒轅鼎成上昇而五色雲見故邑稱縉雲道書廿九洞天也山去縣二十里爲桑潭爲步仙橋懸崖千仞色白如抹名仙人榜上有謝康樂王龜齡朱晦翁諸刻從小蓬萊穿合掌洞爲龍舌州上而登嶠百級爲忘歸洞下洞里許入玉虛宮宮右一石如天柱高數百丈方圓半之巔有湖久雨則湖水溢下湖畔大木龍從如虬龍此鼎湖峰也傍有伏虎岩蒼龍峽出峽登舟則順流經練溪至群玉臺觀五老峰下渡石橋出響岩則暘谷洞洞三竅如連環其一寬敞見天東壁二竅如

甕牖中有懸柱隔之初陽出時巧當其實鼎湖峰屹立于前宿
霧欲收翠色尚滴澄波在下倒影半浸亦令人心目爲舒然姑
婦仙釋諸岩皆以意名之不甚肖也

南明者麗水南明也以別于新昌新昌南明聳盤谷中面孤崖
麗水南明踞城之南曠覽一邑初入有石梁跨壑如蛟龍踏水
中寺後兩石相倚人行石下不見日月之光名合掌岩上有高
陽洞葛洪隸靈崇二字并米元章南明山三字俱刻于壁崖下
二井天欲雨則井中出雲人呼爲龍窟云

石門在青田境中發括蒼踰石帆五十里方至洞口雙峰聳峙
截案入雲中是名石門迤透而入平原若曠西南天表

爲擎天壁而下潭掛流幾七十餘丈非烟非霧亭以噴雪見空
洞沉碧疊石中流若砥柱當前又有歆洞在石壁下飛沫隨風
時時入洞霑人衣俱濕李白云山光水色青於藍然哉上有軒
轅丘道書以爲玄鶴洞天云此地行溪澗中大都嵐氣依人曲
曲如畫不獨瀑流之奇也

江心寺者永嘉大江中孤嶼也城抱九山爲九斗門嶼與之對
峙海濤日夜嚙其下左右造浮屠鎮之如兩龍角然當其青天
不動滄海無波春日初長晴江似鏡塔影東擲晚渡爭喧憑江
天閣而眺亦一樂也若夫隔江烟火如天星錯落則在雲陰之
夕佳海潮奔激西去有聲自顧身在嶼中如泛銀河上下則月

明之夕爲最

南鴈宕者以別于樂清鴈宕也北鴈踞孔道士大夫乘傳多過之惟南鴈僻無聞焉出平陽之南舟下西塘十里爲荆溪爲寶勝寺又爲智覺禪林石齒挂舟陸行歷三溪則石門樓山左巨石嵌空如琢右爲屏風三疊應之宅不能盡名者如圭如笏如芝房燕壘備極巧態有兩石十仞夾峙名石華表則石柱寺寺有數洞游人以西洞爲佳上窪下竇鐘乳自罅滴槽中云仙姑泉也前穴石爲月牖可攀望其外右行半里雙壁插天石梁橫跨之下俯萬丈深窅不可測峰頂亦有雁湖大規視北雁湖小而峻嶒峭拔兩宕無殊焉

玉甌峰者未至樂清三十里岐路而入夾石爲門流水中貫桑
麻蒲林儼然避秦桃源也峰頂巨石成山如負甌山麓半賜盤
曲石立如人山腰有飛泉一道自空注下時有鷄聲若在人頂
乃洞中黃冠所畜啼時聲徹下界也由左陟其巔反下至洞洞
嵌空如簷弄其中不設椽瓦塑孫真人像亦奇矣哉

五泄或作五雪去諸暨縣七十餘里一路多頑山無卷石可入
目者直至青口兩山夾天如綫山石玲瓏峭壁若疊若鏤數里
一壁潭水滑滑流壁下一壁上有古木一株云是沉香樹一年
一花猿猱所不到其他非奇壁則皆奇花異艸慢山而生紅白
青綠燦爛如錦映山紅有高七八尺者與他山絕異又十餘里

始至五泄沿溪而行兩山一溪比青口天尤狹而奇峭率相類
山形或如爐如鐘鼓如屏障劍戟皆拔地而生溪傍天竹成林
又石壁青削似綠芙蓉高百餘仞周迴若城石色如水浣淨插
地而生不容寸土雙瀑從巖巔奔瀉沿歷五級始下注溪壑雷
奔海立聲聞數里大若十圍之玉宇宙間一大奇觀也寶元中
僧咸潤來游嘗作五泄十題云五泄西涼夾岩龍井石鼓石屏
石門俱眈岩禱雨潭桐星岩

玉京去五泄二十餘里洞門空濶初時若夏屋少進徑微仄濶
復如前洞中形似蓮花人物之屬甚多凡三四折至一孔極小
非制匐不能入中有嶺四五洞深處有澗隔絕不可行

補陀洛伽山圖說


神州之內有三大山爲震旦佛國者西峩肩以曾賢北五臺以
文殊而東南洛伽以觀世音梵書稱補陀洛伽山華言小白華
山蓋昔大士以耳根圓通證無漏果而紫竹梅林實善財與諸
大菩薩環遶說法之地其山僻在窮島海天萬里吞吐日月出
沒魚龍每一騁望則扶桑若木近在几席間洵海外之靈壤方
中之奧區也今天下上自帝后妃主王侯宰官下逮僧尼道流
善信男女遠近纍纍罔不函經捧香搏顙繭足梯山航海雲合
電奔來朝大士而大士靈真玄鑒隨力大小緣厚薄誠淺深輒
應之靈蹟神光金身瑞相白衣縞帶紺目翠眉五雲幢蓋七寶

海內奇觀 卷五
璵璐香花勝鬘仙禽佛燈時時有之故姪汚者望山而冰銷狡
凶者膽容而霰化慧根者頓悟而日朗迷真者立撤而霧開寶
石乞靈于梵衲金光睹異于王人寶冠感瑞于蓬山蓮花戢武
于哈喇唐宋累朝咸知信向至我

皇代益以尊崇於戲盛矣哉唐王勃讚曰南海海深幽絕處碧
紺嵯峨連水府號名七寶洛伽山自在觀音于彼住寶陀隨意
金鰲載雲現兜羅銀世界衆玉粧成七寶臺真珠砌就千華蓋
足下祥雲五色捧頂上飛仙歌萬種頻伽孔雀盡來朝諸海龍
王齊獻供寶冠晃耀圓光列纓絡遍身明皎潔臉如水同瑞蓮
芳眉似天邊秋夜月繡衣金縷披霞帔縹緗素服褊袒臂玳瑁

普陀寺殿圖

懷關亭



每門新見

卷五


原圖

鎮海寺殿圖

海國圖志

卷五

夷白堂




青鼓雷

香爐山

海內山經
卷之四
一
頁四

飛沙壘




海内新觀


卷五

三

長日堂



光熙峰



茶山

菩薩頂



紫竹林

沙千步













金粟庵















放生池

獅子岩

太子塔



嶂遠磨

門天西

灣基有

慈水藝身

窓天

洞音潮

龍文洞


碓財善



脩竹庵

總靜室

白華峰



說法堂

海內奇觀

卷五



張石

卷一

長江

磐陀石

二虎
懷遠

海山圖


卷五


道頭


合

東台











蓮花洋





珂珮響珊珊雲羅綬帶真珠綴紅纖十指凝酥膩青蓮兩目秋
波細咽頸如同玉碾成羅紋儼染青山翠朱唇豔齒排玉珂端
坐昂昂劫幾何化身百億度衆生發願沙河救鼻阿我慚我媿
無由到遙望觀音悲讚歌大聖大慈垂愍念願舒金手頂中摩
觀音滿願真言曰唵阿嚕力迦娑婆訶

由明州城出桃花津六十里至候濤山一名招寶山是爲海門
石磴岑嶽崦崦且峻及其巔始得平岡城之謁大士不能渡海
者多于此遙祝云東有望海亭望大海與天爲一航海抵翁州
洛伽山周圍百餘里四際無岸孤懸海中海船過島下僅僅一
木葉浮漚而已自山東行西折爲潮音洞乃大士示現處洞上

有穴如天窓仰窺日星俯瞰海島金沙細軟石罅深黑海濤日
夜來嘯吼其下舊有石橋橫亘可以瞻禮今崩廢又西則爲香
財洞以善財二十八叅得名巉巖峭嶮表仄中窅崖上珠泉散
滴若垂纓不斷號菩薩泉甕甕盛貯可洗目疾前入海數尋有
確突起如甕爐狀土人云曾有老僧秉燭行洞穴且半里山石
合一竅有光大如盤盂側首睨之寬引潔白非水非土遠不辨
涯際北轉得磐陀石山麓怪益高疊石如垤東望窅窅想像高
麗日本如青螺一抹杳靄烟際乍有乍無微風不動天鏡涵空
澄碧萬里海鳬鷗低飛亂鳴黃雲滿島驚濤拍天颶風吹人
欲起山搖搖如欲浮去五更望日出扶桑巨若車輪赤若丹砂

忽從海底湧起赭光萬道散射海水俞鮮煜雪晃耀心目吳淵
頽調空水弄影恍若鋪金僧伽黎衣尤極形容奇哉觀也南望
桃花馬秦諸山嵌空刻露屹立巨浸如山疊太湖靈壁不着寸
土尺樹天然可愛東南望東霍山山多大樹徐市住舟于此又
有龍女洞以龍女獻花故有太子塔以太子施捨故有紫竹林
白華嶺蓮花洋以山所產故有梅檀窟以佛香故有獅子岩以
佛法無畏故有妙應峰圓通嶺以觀自在圓妙故有甘露潭以
妙法灑心故有金剛窟以威音降伏故真歇庵在寺後山深處
真歇了禪師修道庵中後圓寂立塔無畏石在真歇庵前突然
方廣然峻不可陟又有正趣峰靈鷲峰觀音峰皆爲絕勝土人

云自東霍山轉而北行盡昌國北界有蓬萊山衆山四圍峙立
旋繞小嶼屹如千丈樓臺而中處又有紫霞洞與山爲隣中峙
通明方如大車之輿潮水一退人可入或云人不可到隱隱有
神仙題墨漫不能辨又有沙山細沙所積海日照之有芒手攬
則霏屑下漸成窪穴潮過又補終不少損局有石龍蒼白角介
鱗鬣皆具蜿蜒跨宣亘三十里舟經西轉別爲洋山中多大魚
又北則爲朐山岱山石蘭山魚鹽者所聚又自北而南則爲徐
偃王戰洋世言偃王旣敗不之彭城而之越棄玉八案于會稽
之水又南則爲黃公墓黃公赤刀壓虎不行爲虎所食者也

補陀十二景詩

海內詩集 卷五
梅灣春曉

梅尉丹爐火不溫
疎枝淡月島烟昏
只愁海叟吹龍笛
擲落羅浮萬樹魂

茶山夙霧

龍宮蛟室霧網緼
幾樹珊瑚認未真
雪裏顚霞高十丈
紅綃恐是獻珠人

古洞潮音

海濤飛雪復春雲
寶殿疎鐘入夜分
潮自砰鏐僧自定
悟來原不是聲聞

龜潭寒碧

清江使者夢冥冥五兆空嗟朽甲靈豈是來遊蓮葉上水天沈
冷月痕青

天門清楚

野衲齊繙貝葉書晨聲遙度暮沙虛神龍聽法妖蛟舞親見如
來金臂舒

磐陀曉日

黃烟黑霧罩潺湲忽破天昏海色殷誰駕火輪推雪浪赤光如
矢射千山

千步金沙

黃如金屑軟如苔曾步空王寶襪來九品池中鋪作地祇疑赤

海內詩觀
卷五
白雲
脚踏蓮臺

蓮洋午渡

波上芙蓉盡著花香船蕩槳渡輕沙珠林只在琉璃界半壁紅
光見海霞

香爐翠靄

博山突兀海孤懸日對軍持大士前不用旃檀燃佛火曉來嵐
氣自生烟

鉢盂鴻灝

應器東行大衆從遍施香飯說禪宗更看一酌滄溟竭此物由
來制毒龍

洛伽燈火

熒熒一點照迷津
光奪須彌日月輪
萬劫靈明應不滅
五燈傳後與何人

靜室茶烟

蕭蕭古寺白烟生
童子烹茶煮石鐺
門外不知飄急雪
海天低與凍雲平



